

Ugovor o nabavci roba

Nabavka donje oplate „UNDERSKIN“ za okretnu stanicu šesterosjedne žičare na Bjelašnici

I UGOVORNE STRANE

KJP „ZOI'84“ OCS d.o.o. Sarajevo

Sjedište: Alipašina bb, 71000 Sarajevo
Koga zastupa v.d.direktor prof. Kenan Magoda
Identifikacijski broj: 4200347000004
(u daljem tekstu: Kupac)

i

Strucon d.o.o. Sarajevo

Sjedište: Avde Jabučice br.48,71000 Sarajevo,Bosna i Hercegovina
Koga zastupa direktor Erol Sarvan
Identifikacijski broj: 4201938750009
Transakcijski broj banke, ime i sjedište banke: 1990490058879241, Sparkasse Bank d.d.BiH
(u daljem tekstu: Prodavac)

II PREDMET UGOVORA

Član 1.

Predmet ovog Ugovora je nabavka donje oplate „UNDERSKIN“ za okretnu stanicu šesterosjedne žičare na Bjelašnici prema Tenderskoj dokumentaciji broj 2170/19 i Ponudi Prodavca, broj 61-08/2019 od 26.08.2019. godine, koji su u prilogu ovog Ugovora i čine njegov sastavni dio.

III OBAVEZE PRODAVCA

Član 2.

Prodavac se obavezuje da:

- a) robu isporuči u originalnom pakovanju, propisno upakovanu, kako bi se smanjila mogućnost oštećenja prilikom transporta;
- b) isporučenu robu koja nije u skladu sa traženom, koja ima oštećenja ili vidljive nedostatke ili odstupa od tražene, zamijeni ispravnom u roku od 3 (tri) dana od dana prijema reklamacije Kupca;
- c) osigura deklaraciju na svakom pojedinačnom pakovanju (komadu) isporučene robe koja će biti ovjerena od strane Prodavca;
- d) za ugrađene dijelove da garanciju u skladu sa propisima proizvođača, a na izvršenu uslugu ugradnje 12 mjeseci od dana izvršenja iste (Garantni rok počinje teći od dana kvalitativnog i kvantitativnog prijema predmetne robe);
- e) prilikom ugradnje koristiti nove i nekorištene dijelove kompatibilne sa opremom koje se ugrađuju, koji obezbjeđuju sigurno i optimalno korištenje opreme i koji su preporučeni od strane proizvođača opreme;
- f) se pridržava cijene usluge i dijelova ponuđenih po ponudi, kao i normativa za zamjenu dijelova propisanih od strane proizvođača opreme;
- g) ispostavi izvještaj o izvršenoj isporuci i ugradnji predmetne robe.

IV CIJENA I NAČIN PLAĆANJA

Član 3.

(1) Ugovor se zaključuje sa ukupnom vrijednosti u iznosu od **450.000,00 KM** (slovima: četiristotinepedesethiljada i 00/100 KM) bez uključenog PDV-a, odnosno **526.500,00 KM** (slovima: petstotinadvadesetšesthiljadapetstotina i 00/100 KM) sa uključenim PDV-om.

(2) Roba iz člana 1. ovog Ugovora će se plaćati prema utvrđenoj cijeni iz ponude Prodavca broj 61-08/2019 od 26.08.2019. godine koje se neće mjenjati u periodu trajanja ovog Ugovora .

(3) U cijenu su uračunati svi troškovi Prodavca u realizaciji ovog Ugovora uključujući i troškove ugradnje, prevoza, carinske i špeditorske usluge kao i troškovi izlaska na lokaciju.

Član 4.

(1) Prodavac se obavezuje da najkasnije do 30.11.2019. godine isporuči, instalira, testira i pusti u rad do pune funkcionalnosti opremu koja je predmet ovog Ugovora na lokaciji Babin Do, Bjeašnica.

(2) Danom isporuke smatraće se dan potpisivanja Zapisnika o primopredaju, od strane predstavnika obje ugovorne strane.

(3) Kvalitativno-kvantitativna primopredaja robe iz člana 1. ovog Ugovora izvršiće se pregledom od strane ovlaštenog lica Kupca prilikom preuzimanja iste, a prema otpremnim dokumentima Prodavca.

(4) Po izvršenom Kvalitativno-kvantitativnoj primopredaji ovlašteni predstavnici Kupca i Prodavca sačinice Zapisnik o primopredaju koji će potpisati i ovjeriti.

(5) Nakon primopredaje opreme, Prodavac je dužan Kupcu dostaviti sljedeće:

1. garantni list za isporučenu opremu u skladu sa garancijom proizvođača opreme;
2. prodavac daje garanciju u trajanju od 12 mjeseci od dana uspješne primopredaje opreme;
2. ateste i certifikate za isporučenu i instaliranu opremu, a radi osiguranja pune funkcije i sigurnog rada isporuče i instalirane opreme.

(6) Sve troškove naknadnog slanja greškom isporučene opreme neodgovarajućeg kvaliteta snosi Prodavac.

Član 5.

(1) Kupac će iznos iz člana 3. stava (1) ovog Ugovora sa uključenim PDV-om platiti 100% avanso samo uz obavezno prethodno dostavljanje vjerodostojne avansne garancije poslovne banke Prodavca na ukupnu vrijednost avansa s rokom valjanosti 30 (trideset) dana dužim od roka izvršenja ovog Ugovora.

(2) Garancija će ostati efektivna sve dok se avans ne opravda, ali će suma na garanciji biti progresivno reducirana za iznose opravdanog avansa. Avans će se otplatiti odbijajući proporcionalne sume od isplata po fakturama, slijedeći raspored procenta okončane isporuke na osnovu isplata.

(3) U slučaju produženja krajnjeg roka za isporuku i ugradnju predmetne opreme, a koji je prethodio usljed više sile, a čije produženje je ujedno i prihvaćeno od strane Kupca, Prodavac je

dužan da dostavi novu avansnu garanciju sa novim rokom valjanosti 30 (trideset) dana dužim od roka izvršenja ugovora.

(4) Sastavni dio svake pojedinačne fakture treba da bude otpremnica u kojoj je navedena vrsta pruženih usluga i isporučene robe potpisana od strane predstavnika Naručioca koji je izvršio prijem, čime potvrđuje da je isporuka izvršena. Ugradnja treba da se obavi stručno, kvalitetno, u skladu sa dobrim poslovnim običajima, pravilima i standardima struke.

(5) Mjesto isporuke i ugradnje je Babin Do, Bjelašnica.

(6) Ukoliko usluge nisu izvršene na ugovoren način, odnosno imaju vidljive mane, predstavnik Kupca dužan je da odbije prijem usluga i roba i odmah u pisanoj formi obavjesti Prodavca, a u hitnim slučajevima usmeno i zahtjeva ponovno izvršenje usluga. Ako se nakom primopredaje pokaže neki nedostatak koji nije vidljiv. Kupac je dužan da o tom nedostatku bez odlaganja obavjesti Prodavca i može zahtijevati ponovno izvršenje usluga, najkasnije narednog dana od dana prijema reklamacije.

V GARANCIJA ZA UREDNO IZVRŠENJE UGOVORA

Član 6.

(1) Prodavac se obavezuje da Kupcu u roku od 10 radnih dana od dana stupanja ovog Ugovora na snagu dostavi bankarsku garanciju na iznos od 10% ukupne ugovorene vrijednosti sa PDV-om, kao garanciju za uredno izvršenje ugovora, s rokom valjanosti 30 (trideset) dana dužim od roka izvršenja ugovora.

(2) Garantne dokumente nasloviti i dostaviti na adresu: "KJP ZOI'84 OCS d.o.o. Sarajevo, ul Alipašina bb, 71000 Sarajevo. Bankovna garancija za uredno izvršenje ugovora će poslužiti za pokrivanje svake štete i troškova koje ugovorni organ može imati ukoliko Prodavac prekrši bilo koju odredbu ugovora o nabavci predmetnih roba nakon što se isti prethodno obavijesti o eventualnim propustima i pozove da otkloni takve propuste.

(3) U slučaju produženja krajnjeg roka za isporuku i ugradnju predmetne opreme, a koji je prethodio usljed više sile, a čije produženje je ujedno i prihvaćeno od strane Kupca, Prodavac je dužan da dostavi novu bankarsku garanciju sa novim rokom valjanosti 30 (trideset) dana dužim od roka izvršenja ugovora.

(3) Kupac će Prodavcu izvršiti povrat garancije za uredno izvršenje Ugovora nakon dostavljanja garancije za garantni rok i otklanjanje nedostataka u garantnom roku.

(4) Izvršilac snosi odgovornost za sve, materijalne i nematerijalne, štete nastale Naručiocu i trećim osobama krivicom Izvršioca kao i sve štete nastale od opasne stvari i opasne djelatnosti, tijekom izvršenja predmeta ovog sporazuma.

(5) Bankarska garancija mora biti neopoziva, bezuvjetna, plativa na prvi poziv, bez prava na prigovor i primjedbe.

VI GARANCIJA ZA OTKLANJANJE NEDOSTATAKA U GARANTNOM ROKU

Član 7.

(1) Za izvršenu ugradnju predmetne opreme i otklanjanje nedostataka u garantnom roku koje ima po osnovi garancije, Prodavac je dužan dostaviti bankarsku garanciju na iznos od 10% od ukupno

ugovorene cijene sa PDV-om sa rokom važnosti od 12 mjeseci + 30 dana, koji će teći od dana ugradnje iste.

(2) Bankarska garancija za izvršene usluge i druge obaveze će poslužiti za pokrivanje svake štete i troškova koje Kupac može imati ukoliko Prodavac prekrši bilo koju odredbu Ugovora o predmetnoj robi, nakon što se isti prethodno obavijesti o eventualnim propustima i pozove da otkloni takve propuste.

(3) Garancija za ugrađenu opremu garantira onoliko vremena koliko je garancija proizvođača opreme ili uređaja u garantnim listovima proizvođača.

(4) Garantni rok počinje teći od dana kvalitativnog i kvantitativnog prijema predmetne robe.

(5) Ako je Prodavac napravio propust prilikom izvršenja isporuke i ugradnje ili je iste izveo nekvalitetno, dužan je odmah, a najkasnije u roku od 10 dana od prijema zahtjeva za otklanjanje nedostataka nastalih prilikom izvršenja izvršiti otklanjanje nedostataka bez naknade na pismeni poziv Kupca. Rok u kojem se nedostatak mora otkloniti utvrđuje se zapisnički od strane Prodavca i Kupca.

(6) Ako garancija za otklanjanje nedostataka u garantnom roku ne bude naplaćena, Kupac će je vratiti Prodavcu nakon isteka valjanosti.

Član 8.

O eventualnim nedostacima u količini i kvalitetu predmetne nabavke Kupac će Prodavca izvjestiti odmah, a najkasnije u roku od 3 (tri) dana od dana prijema isporuke/ugradnje.

Član 9.

Za koordinaciju operativnih aktivnosti na realizaciji ovog Ugovora na način i u ugovorenim rokovima, imenuju se:

- za Kupca: Adis Musinovic,
- za Prodavca: Erol Sarvan.

VII STUPANJE NA SNAGU I RJEŠAVANJE SPOROVA

Član 10.

Ovaj Ugovor stupa na snagu danom obostranog potpisivanja od strane ovlaštenih lica ugovornih strana.

Član 11.

(1) Ukoliko Prodavac ne bude na ugovoreni način i u ugovorenom roku izvršio sve ugovorene obaveze, dužan je Kupcu platiti na ime ugovorene kazne penale od 1 ‰ (jedan promil) od ugovorene cijene usluga, za svaki dan prekoračenja roka izvršenja usluge, a najviše 5 % od ugovorenog iznosa. Obaveza plaćanja ugovorene kazne utvrđuje se prilikom konačnog obračuna.

(2) Strane ugovora ovim Ugovorom isključuju primjenu pravnog pravila po kojem je Kupac dužan saopštiti Prodavcu po zapadanju u kašnjenje da zadržava pravo na ugovorenu kaznu (penale), te se smatra da je samim padanjem u kašnjenje Prodavac dužan platiti ugovorenu kaznu (penale) bez opomene Kupca, a Prodavac ovlašten da ih naplati - odbije na teret Prodavčevih potraživanja za izvršenu isporuku i ugradnju opreme koja je predmet ovog ugovora ili od bilo kojeg drugog

Prodavčevog potraživanja od Kupca, s tim što je Kupac o izvršenoj naplati - odbijanju, dužan obavijestiti Prodavca.

(3) Kupac neće naplatiti ugovorenu kaznu ukoliko je do kašnjenja došlo usljed više sile. Pod višom silom se podrazumjeva slučaj kada ispunjenje obaveze postane nemoguće zbog vanrednih vanjskih događaja na koje Prodavac nije mogao uticati niti ih predvidjeti.

(4) Plaćanje ugovorene kazne (penala) ne oslobađa Prodavca od njegovih obaveza da pruži usluge, niti ga oslobađa od nekih drugih obaveza i odgovornosti po ovom Ugovoru

Član 12.

(1) Svaka od ugovornih strana može pokrenuti postupak raskida Ugovora ako druga strana ne izvršava preuzete utvrđene obaveze.

(2) Kupac može raskinuti ovaj Ugovor i prije isteka roka važenja na štetu Prodavca u slijedećim slučajevima:

- ako Prodavac u roku od 10 radnih dana dana od dana stupanja na snagu ovog Ugovora ne dostavi Kupcu garanciju za uredno ispunjenje ugovora;
 - ako Prodavac neopravdano zakasni s isporukom;
 - ako Prodavac niti nakon opetovanog upozorenja od strane Kupca na neispunjavanje ugovornih obaveza ne postupi sukladno upozorenju Kupca.
- Ukoliko Prodavac odluči raskinuti ovaj Ugovor zbog nastupa okolnosti iz alineje druge i treće ovoga stava ima pravo naplatiti garanciju za uredno ispunjenje ugovora.

Član 13.

Eventualno nastale sporove pri realizaciji ovog Ugovora, ugovorne strane će rješavati mirnim putem, u protivnom ugovara se nadležnost Suda opšte stvarne nadležnosti u Sarajevu.

VIII OSTALE ODREDBE

Član 14.

Prodavac nema pravo da u svrhu izvršenja ovog Ugovora zapošljava, fizičke ili pravne osobe koje su bile uključene u pripremu tenderske dokumentacije, ili su bile u svojstvu članova Komisije za javne nabavke, najmanje šest mjeseci po stupanju na snagu istog.

Član 15.

Prodavac garantuje Kupcu oslobađanje od bilo kojih odgovornosti za plaćanje iznosa po svim traženjima, zahtjevima, sudskim presudama i od svih vrsta rashoda u svezi sa povredama, nesretnim slučajevima u procesu izvršenja ugovornih obaveza od strane Prodavca, isključujući slučajeve kada je šteta nastala krivnjom Kupca.

Kupac nema nikakve obaveze ni odgovornosti ukoliko se pojave zahtjevi prema Prodavcu nezavisno kojeg karaktera od strane trećih osoba.

U slučaju bilo kakvih razlika između ugovorne dokumentacije, specifikacije i tehničkih karakteristika Prodavca i specifikacije i tehničkih karakteristika iz Kupčeve dokumentacije o nabavci, mjerodavna je Kupčeva dokumentacija o nabavci.

Član 16.

Za sve što nije regulisano ovim Ugovorom primjenjivaće se odredbe propisa o obligacionim odnosima u Bosni i Hercegovini.

Član 17.

Punovažne i obavezujuće su samo one izmjene i dopune ovog Ugovora koje su ugovorne strane sačinile sporazumno i u pisanoj formi.

Član 18.

Ovaj Ugovor je sačinjen u 4 (četiri) istovjetna primjerka od kojih svaka ugovorna strana zadržava po 2 (dva) primjerka.

Za Prodavca

Erol Sarvan, direktor

Datum: _____2019.
godine

- .

Za Kupca

prof.Kenan Magoda,
v.d.direktor
KJP ZOI'84 OCS d.o.o.

Datum: 10.09.2019. godine

Broj: 2392/19

OBRAZAC ZA CIJENU PONUDE

Naziv kandidata Strucon d.o.o. Sarajevo

Ponuda br. 61-08/2019 od 26.08.2019. godine

Red. br.	Opis robe	Naziv proizvođača opreme	Količina, komada, pausal	Jedinična cijena bez PDV-a
1	Isporuka i ugradnja donje oplate „Underskin“ za šestosjednu žičaru na Bjelašnici u skladu sa tehničkom specifikacijom u prilogu	Bartholet Maschinenbau AG, Švicarska	1	450.000,00
2	Ukupna cijena bez PDV-a			450.000,00
3	Popust %			-
4	PDV			76.500,00
5	Ukupno sa popustom i PDV-om			526.500,00

Napomena:

1. Kandidat je obavezan u ponudi da navede popust ako je isti odobren.
2. U cijenu kandidati trebaju cijenu svih troškova, kao i ostale troškove koji su potrebni za potpuno izvršenje predmetnog ugovora;
3. U slučaju razlika između jediničnih cijena i ukupnog iznosa, ispravka će se izvršiti u skladu sa jediničnim cijenama;
4. Jedinična cijena stavke se ne smatra računskom greškom, odnosno ne može se ispravljati.
5. Ugovorni organ zadržava pravo eventualne korekciju logotipa bez dodatne naplate iste (isto podrazumijeva minimalne korekcije).

Potpis ovlaštene osobe: _____



Pečat kandidata